



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### De Tribvs Dagobertis Francorvm Regibvs Diatriba Godefridi Henschenii E Societate Iesv

Henschenius, Godefridus

Antverpiae, 1655

VI Regnum Neustriae & Burgundiae Dagoberto delatum. Pars Aquitaniae Chariberto fratri permissa. Sedes regni primis annis apud Austrasios. Epocha regni Austrasiorum. Sclai & Auares. Illorum Rex Samo ...

**urn:nbn:de:hbz:466:1-9599**

cap. 14, neque aliud, quo nitantur, fundamentum ostenditur. In antiquo Breuiario Argentinensi, annis 1478 & 1489 excuso, celebratur xxvi Octobris festum *S. Amandi Episcopi Argentinensis*, Lectionibus, quæ ad Matutinum recitantur, ex Vitâ *S. Amandi Episcopi Traiectensis* desumptis: vnde alijs videtur errandi occasio data, maximè quòd eodem die etiam colatur *S. Amandus Traiectensis* ob translatas eo die Reliquias. Infrà lib. 4 texemus catalogum Episcoporum Argenteratensium, qui tribus seculis ante regnũ DAGOBERTI isti Ecclesiæ præfuerunt.

## VI

*Regnum Neustria & Burgundia DAGOBERTO delatum. Pars Aquitania Chariberto fratri permessa. Sedes regni primis annis apud Austrasios. Epochæ regni Austrasiorum. Sclavi & Auares. Illorum Rex Samo an ex Belgio oriundus?*

**M**ORTUO Chlothario anno regni sui XLV, Christi 10CXXVIII, DAGOBERTVS, inquit Fredegarius cap. 56, iussit vniuersis leudibus, quos regebat in Auster, cum exercitu promouere. Missos in Burgundiam & Neuster direxit, vt suum deberent regimen elegere. Quod primò omnes Pontifices & leudi Burgundia fecerunt: dein & Neustrasia Pontificum & Procerum plurima pars. Cumq̃, inquit cap. 57, regnum Chlotharij, tam Neptici quàm Burgundia, præoccupasset DAGOBERTVS, captis thesauris & ditioni suæ redactis; consilio sapientum vsus, Chariberto fratri suo concessit pagum Tolosanum, Caturcinum, Agennensem, Petroco-

E

reum

## 34. DE TRIBVS DAGOBERTIS

reum & Santonicum, vel quod ab his versus montes Pyrenaeos excluditur. Qui Sedem Tolosanam elegens, in parte provincia Aquitanica regnavit. Erat is natus matre Sichildâ sorore Gomadrudis vxoris DAGOBERTI. Hic reuersus Metas, perrexit ad VIII. vsque annum post obitum patris & apud Aufrasio habitare, & cœptam ab initio regni annorum Epocham continuare. Nicolaus Zyllesius par. 3. defensionis Abbatia S. Maximini pag. 9. vulgavit diploma DAGOBERTI, datum Moguntia pridie Nonas Aprilis anno regni XII, quod Henricus Cancellarius ad vicem Ricolfi Archicapilani recognouit, adiuncto signo Regis ex litteris nominis DAGOBERTI, secundum aui illius morem, efformato, cum effigie eiusdem, & circumpositis his verbis: DAGOBERTVS REX D+GRACIA. Annus hic XII regni secundum Æram apud Aufrasio cœptam, conuenit in annum Christi 10XXXII. aut sequentem: nec potest applicari calculo regnorum eius à morte Chlotharij patris incepto. Nam anno XI regni Neustria, vt tradit Fredegarius cap. 75, Sigebertum filium suum in Auster regnum sublimauit: cuius in diplomate illo annus debuisset apponi, non DAGOBERTI, qui illud regnum abdicarat.

Ceterum apud Fredegarium sex illorum annorum, quibus ab obitu patris DAGOBERTVS apud Aufrasio moratus est, vacuum est, & inconcinnè initium capitis LVIII dispositum his verbis: DAGOBERTVS cum iam anno VII regnaret, maximam partem patris, vt iam memini, assumpsit, id est, post maximam partem regni patris assumptam, Burgundias ingreditur &c. Quæ verò ad illud vsque tempus egerat, sub finem capitis summam repetuntur: Vsque eo tempore, inquit, ab initio, quo regnare cœperat, consilio primitus beatissimi Arnulfi Metensis urbis Pontificis & Pippini Maioris-Domus v-

sus,

*fus, tantâ prosperitate regale regimen in Auster regebat, ut à cūctis gentibus immenso ordine laudem haberet. Timorem verò sic fortem sua concusserat utilitas, ut iam deuotione arriperent, suæ se tradere ditioni, ut etiam gentes, quæ circa limitem Auarorum & Sclauorum consistebant, eum promptè expeterent, ut ille post tergum eorum iret feliciter, & Auaros & Sclauos ceterasq; Gentium nationes vsque manu publicâ, suæ ditioni fiducialiter spondebat. Hac laude gloriæque splendore cumulandus S. Arnulphus Episcopus, cuius sanctis moribus ac præceptis hætenus institutus fuerat DAGOBERTVS. Sed pergit Fredegarius: Post discessum B. Arnulfi ad eremum, adhuc consilium Pippini Maioris-Domus & Chuniberti Pontificis Urbis Colonia vtens, & ab ipso fortiter admonitus, tantâ prosperitate & iustitiæ amore cõplexus, vniuersas sibi subditas gentes, vsque dum ad Parisius, ut supra memini, peruenit, regebat, ut nullus de Francorum Regibus præcedentibus suâ laude fuisset præcellentior. At solùm antè dixerat, DAGOBERTVM post obitum patris anno VII venisse Parisios, is est annus Christi 10CXXXIV: ad quod vsque tempus DAGOBERTVS felicissimè, & necdum luxuriæ vitiis corruptus, apud Austrasios vixerat.*

Interea S. Amandus creatus Episcopus ad prædicandum vbiuis gentium Euangelium, fundandasque Ecclesias, per S. Aicharium Episcopum Nouiomensem impetrauit epistolas DAGOBERTI Regis, quibus munitus intrepidè fidem Christi Gandauenfibus annuntiauit: quod factum esse anno Christi 10CXXXI diximus ad huius Vitæ VI Februarij § 10 pag. 831. Notitia eidem tunc quoque inita in reliquo Brabantio, pago Senonago, ac vicinâ Hasbaniâ: in quibus locis degebant B. Pippinus Maior-Domus DAGOBERTI, pater SS. Gertrudis & Beggæ; Walbertus parens SS. Waldetrudis & Aldegundis; Witgerus, à quo progenitæ SS. Gudila &

Rainildis; omnes viri Principes, atque in aulâ DAGOBERTI Regis magno in honore habiti. Est autē pagus seu Comitatus Senonagus in antiquo Brabantio à flumine Sennâ *Sennegavu* dictus, vti ab Hainâ *Hainegavu*, à Mosâ seu Masâ *Mafegavu*. Exoritur Senna prope oppidum *Sonegiam*, quasi *Sennonegiam* appellatum, vulgò *Sennick*, Gallico sermone *Soignies*, ac dein interluit illustrem Belgij Principum ac Gubernatorum sedem *Bruxellas*: quæ vrbs num huic etiam fluuiio suam debeat nomenclationem, non disputo. Est Pōtisara, Gallis *Pontoise*, Vexini Francici oppidum, cui pons Oesiarum siue Ifaræ fluminis nomen dedit: an *Bruxella*, in antiquis chartis *Brughfella*, quasi *Bruchfenna* eodem modo appellata? Ita Brabantia eiusdem aliud oppidum, eisdem litteris mutatis, Thena Gallis Tillemontium dicitur. Sed his omissis, præerat Sclauis antè indicatis *Samo*, anno *Chlotharij* XL, Christi 1000, in *Regem electus*, vt tradit *Fredegarius* cap. 48, *natione Francus, ex pago Senonago* oriundus. Acceptâ horum Sclauorum eorumque Regis Samonis notitiâ, S. Amandus vltra Rhenum Danubiumque profectus est anno 1000, æstuans desiderio aut hanc gentem eiusque Regem ad fidem Christi adducendi, aut martyrij palmam consequendi. Potuit litteris consanguineorum Regis in dicto pago Senonago habitantium, & religione Christianâ iam antè institutorum, instructus hoc iter fecisse S. Amandus. Dicebantur hi Sclauo cognomento Winidi ac Carēntani, & occuparant prouincias transdanubianas, Carinthiam, vulgò *Karndt*, Marchiam Winidorum, & Sclauoniam hætenus appellatas: quibus vicini Auares Chuni Pannoniam inferiorem detinebant, ab iis Hungariam dictam. Ibi *circa litem Auarorum & Sclauorum* Marchiones constituti sunt, è quibus in *Annalibus Fuldensibus* ad annum 1000 est qui-

qui-

quidam *Engiscalcus*, ab Arnulpho Imperatore, cuius is filiam habebat uxorem, *Marchensis in Oriente* factus: quales tum *Marchiones*, postea *Archiduces Austriae* dominatum tenuerunt. De *Marca* istic ordinata à Ludouico seniore Rege *Germania* legendi iidem *Annales Fuldenfes* ad annum *IOCCCLXI*.

## V I I

*Sedes postea DAGOBERTI vrbs Parisiorum. Gomadrudis repudiata. Nanthildis aliq<sup>3</sup> Reginae & concubinae adscitae. Filij S. Sigebertus & Chlodoueus II. Regnum Austrasiorum S. Sigeberto datum.*

**M**ORTUO Chlothario, populi Neuftriaë & Burgundiaë annos regni DAGOBERTI ab hac successione numerare coeperunt: cuius vestigium extat in testamento S. Burgundoforaë fundatricis ac primæ Abbatissæ monasterij Eboriacensis in diocesi Meldensi, ab eâ *S. Phara* vulgò appellati. Edidit illud Labbeus in *Miscellaneis curiosis* cap. 3 § 5 hoc exordio: *Anno quinto, regnante Domino DAGOBERTO Rege gloriosissimo sub die VII Kal. Nouemb.* Progreditur ab anno VII regni Neuftriaë, Christi *IOCCXXXIV*, *Fredegarius. DAGOBERTVS*, inquit cap. 58, *Burgundias ingreditur. Tanto timore Pontifices & Proceres in regno Burgundiaë consistentes, seu & ceteros leudes aduentus DAGOBERTI concusserat, ut à cunctis esset mirandus. Pauperibus iustitiam habentibus gaudium vehementer inrogauerat. Cumq<sup>3</sup> Lingonas ciuitatem venisset, tantam in vniuersis Leudibus suis, tam sublimibus quàm pauperibus, iudicabat iu-*